



樂善堂全集卷十一

表

擬

上頌

聖祖仁皇帝御纂易書詩春秋講說朱子全書

性理精義等書謝表

伏以承

樂善堂文集 卷二  
先啟後實維

首出之君覺世牖民共仰

生知之聖亶聰明以作

元后紹庭敢懈於淵衷一道德而同民風建極  
不忘於典訓

王言用布

祖製聿頒億萬年道運丕昌共覩文明之式煥

五百載心傳若接咸遵刪定之維新至道光昭  
湛恩汪濊臣等誠惶誠恐稽首頓首上言竊惟  
羲皇畫卦以開天性命之精始著堯舜傳心以  
明道危微之義乃彰三百十一篇之詠歌教惟  
淑性二百四十年之筆削法在尊王是以窮本  
溯源不外諸經之旨然而循流竟委又有翼道  
之書故周程自濂洛以揚徽而張朱起關閩以

樂書卷之三  
建幟首尋聖緒刊落陳言他如同時之儒與夫  
私淑之士莫不抱遺經而叩其終始望先聖而  
溯厥淵源然而易道幽深孰識由來之理數書  
辭佶屈或參當日之方言箋注紛紜詩義因之  
而漸晦傳辭糾錯麟經反致於難通議漢儒者  
曰無明道之功訾宋儒者謂鮮詁經之實惟知  
經自經而道自道豈解經載道而道傳經雖宋

儒極力以廓清而明季復多端以煽惑未有經  
明道顯開通萬世之津梁作聖述明昭揭千秋  
之模楷如

今日者也茲益伏遇

皇帝陛下雲日爲瞻羹墻如見治薰蒸爲淳古  
允邁百王學緝熙于光明式敷五典昭格  
上帝時時以

樂善堂全集 卷五  
聖祖之心爲心涵育下民事事以

聖祖之政爲政事惟師古道在率先念

聖祖仁皇帝探蹟鉤深既同韋編之絕執中建  
極實承道統之傳屹雅揚風何異宣尼之剛定  
屬辭比事盡芟衆說之支離至羣儒皆已表彰  
而朱子尤加尊禮謂其言精而義盡允宜身服  
而力行幾經

乙夜之勤猶分

萬幾之暇俱加纂輯重獲編摩雖開雕備續於  
昔時而頒行有待於茲日我  
皇上繼承志切誘迪心殷永維

先志之宜遵嘉與溥海而共守徧頒直省俾錫  
版於學宮廣勵師儒使鏤心於經術近自畿甸  
遠暨寰瀛聲名文物之邦益霑

聖化嶺徼遐荒之地共覩

皇猷洛閩綿澤於無疆洙泗流芳而不竭從此  
遵道遵路悟斷潢絕港之差學者是訓是行識  
宗廟百官之富自

天雨露育成濟濟之人材特地恩波釀作熙熙  
之大化臣等識同窺管學謝雕蟲佔畢徒呻每  
望洋於學海近光有志賡復且於堯天叨與

賜書凜遵

聖訓伏願治如雨化學以日新蘊周情孔思以  
修文法放勳重華而御世默成太極豈惟歌詠  
怡情遠接心傳自爾是非立辨以引以翼存陟  
降之小心

作君作師布雍熙之大化則會其有極歸其有  
極無不同之車書自西自東自南自北無不被

樂善堂文集 卷二 表  
之聲教矣臣等謹奉表以

聞

擬

闕里文廟告成賀表

伏以

帝治崇儒九有仰乾行之健  
皇猷重道三無炳離照之光辟雍振鐘鼓以和

聲樂華層吐膠序集珪璋而制器禮葉旁敷元  
和洽而泰階平文教昭而王道坦宮墻藻曜指  
檜影以增歡俎豆祥開望杏壇而色喜儒林雀  
躍文囿翬飛臣等誠歡誠忭稽首頓首上言竊  
惟分野奎婁原屬文昌之宿儲精泰岱實稱禮  
樂之邦非造化所獨私寔生民之厚幸聖而拔  
萃開萬世以儒宗集厥大成等百王而未逮是

以尼山木鐸響嗣千秋繡紱神區宅安萬古牲  
牢過魯昭漢祖之遺徽麟鳳升歌著唐宗之芳  
軌然而祖述憲章之美上律下襲之隆旣莫造  
其堂階又孰知其闔與音聞絲竹壁雖完好於  
魯共像設冕旒宇僅葺寧於明代未有廟堂式  
廓應景運而維新典禮優崇際昌期而悉備煌  
煌鉅制恰應珠聯璧合之期奕奕弘模適當復

日卿雲之日人文與天文並燦聖居與聖澤偕  
新如

今日者也茲葢伏遇

皇帝陛下胞與無私羹墻有慕節儉以先天下  
階茨遵茅土之風仁孝以育兆民堂構美丹黃  
之贖太平有象邳治難名弛張寬猛咸宜樂利  
貽夫四海雨暘燠寒時若懷柔暨乎百神頻行



釋奠之儀屢舉

臨雍之典觀書則政惟由舊講易則義備畫前  
既化雨之旁施亦恩波之普被稱先道古奚襲  
乎三老五更綱舉目張悉協夫周情孔思

帝謂至人之廟貌宜增美於重熙累洽之餘

天眷元后之精誠不屑循夫玉檢金泥之舉藉  
經營於昭代貽締造於

一人既革故而鼎新益光前而裕後經始甲辰  
之夏落成庚戌之秋璆鐵琅玕寶藏競輸精於  
魯望榱楠杞梓楚材爭矯首於秦封大木掄自  
工師高做煥龍文五彩色瓦成於內府陸離瞻  
翬翟交翔默呵護於鬼神如松如竹顯監司於  
卿尹其正其平準魏闕以定規做巖廊而布象  
域顯文明之氣雲呈卿裔之華青鳳盤乎觚稜

赤螭卧於榱桷聖時弘道新顏從入之門立體  
通方務塞竒袤之徑儀物重修古制祭器  
特頒上方允爲前代莫觀之休宜在生民未有  
之聖臣等志存入室學僅面墻溯流以窮源粗  
識先河後海正誼而明道謹思義路禮門宗廟  
百官之美富難窺唐虞三代之隆平幸際伏願  
岡陵鞏固磐石奠安高以下爲基若築室之必

根於堅礎誠以明爲牖如容光之旁燭於四隅  
無反無側無黨無偏元愷升而僉壬悉化有馮  
有翼有孝有德珠囊挈而玉燭常調行舉言揚  
隱致慰於猗蘭之操耿光大烈永垂庥於闕里  
之居臣等謹奉表以

聞

頌

河清頌有序

皇帝握寶歷臨丹扆率由

列祖舊章誕敷文德用撫天下萬萬邦教化所

洽罔不率俾育仁正義誠合乎

天恩覃乎民九瀛之遙懸橦度索來王

上帝馨我至治益賜貞符用光我大歷服雍正

四年十有二月黃河清自陝州下至徐

邳淮泗二千餘里河濱之民白叟黃童  
莫不歡慶僉曰惟我

聖天子克迓曠世未覲之休徵

天子曰惟

天眷佑我

祖宗錫以無疆之景命予一人適膺受多福予

敢自居繼自今我君臣尚懋修明德益

自兢惕其宣澤遐邇與我萬邦黎獻式  
敬承之臣謹按記曰聖王在上天不愛  
道地不愛寶京房易傳曰河水清天下  
平周成之際刑措致美德化日隆時則  
黃河清唐太宗奮武恢文禮賢納諫時  
則黃河亦清

聖上盛德大業有而不居如天之不言所利而

臣肄業

禁庭慕雅頌之遺音睹太平之瑞應懼豫之心  
不能自秘謹拜手稽首而獻頌其辭曰  
天有顯命付我  
皇清凡有血氣熙熙和寧

太祖

太宗既定既平

樂善堂全集  
卷二十一

樂善堂全集  
卷二十一頌

世祖

聖祖大啟文明於穆我

皇作則生知法

祖尊

親繼志紹徽曰政何施曰民何依疇克弼亮以

襄我治

皇天明鑒聿降嘉祥月維上吉時則大良河伯

效靈馮夷呈祉濁流載清綿二千里黃沙自汰

碧波如澄瀾漫漫滉漾邈迤迴縈普天慶溢率土

歡同僉謂上瑞我

皇之功

皇功其普肇自

列祖

列祖徽猷

帝以爲矩乘乾膺錄恩周庶物

天心默佑錫以祉福其錫維何猗與孔多河清  
海晏風雨攸和自古在昔渾渾黃流疏瀹浚導  
功止懷柔惟

聖天子德音孔旨精誠昭格綏我嘉履惟河之  
澄民安其生惟河之清官守其貞爰頌民安爰  
揚官守

一人所致無疆

萬壽

九符有序

粵若稽古典墳厥初生民低處者巢高  
處者穴取草木皮革羅鳥獸漉水物以  
爲衣爲食君臣父子上下長幼男女夫  
婦莫有倫紀聖人伏羲氏作始畫卦以

通神明之德類萬物之情造書契以治  
百官察萬民政令行民用遵約束時則  
有龍馬負圖之應迨黃帝軒轅氏宰制  
羣動垂衣以治作甲子天用錫以日月  
合璧五星連珠造律呂播其八音而鳳  
凰巢阿閣與蚩尤戰於涿鹿之野有雲  
氣止於帝上其後復有聖人曰堯治歷

象置州牧四岳明俊德以親九族協和  
萬邦時則百獸率舞廷生五色瑞芝舜  
承是道重華協于帝建學養老救命賡  
歌卿雲復旦鳳凰來儀上下草木鳥獸  
魚鼈咸若暨禹湯文武祇德建中無逸  
執競時則有錫洛銜鈞鳴鳥流鳥之瑞  
揆古聖帝王罔不得天嘉祥爲受命之

符亦罔不在德其惟時叙罔不克加抑  
畏用兢業于有邦以答天之眷命自時  
厥後由漢迄明英君誼辟天亦默相厥  
德眎其所履以爲協應其有矯誣諛佞  
詐作符瑞以欺中外以惑蚩蚩氓天弗  
與民弗信也洪惟我

皇清

聖聖相承宅中圖治以撫四海德威並行汪濊

暨訖

天用錫以洪庥敬戒不怠用培我不丕基雍正  
三年三月太史奏日月合璧五星連珠  
皇帝曰惟予

不顯考聖祖克聖克仁克膺

天佑予一人是賴有司其擇吉薦牲以告



景陵羣臣固請陞殿受賀不許嗣是嘉禾瑞繭  
慶雲芝草醴泉甘露河清鳳儀之瑞先  
後疊奏我

皇上祇承

天眷弗敢自居或則歸美

聖祖或則不以宣示且曰朕所喜者豐年爲瑞  
及汝諸臣宣力四方斯朕志也臣謹按

王者必世而後仁天人叶應嘉祥駢臻  
必俟仁而後益顯故生民公劉之詩作  
於周召清廟明堂之什成於冲子我

太祖

太宗肇基新命我

世祖

聖祖克成先志永綏兆民功崇德溥累洽重熙

勝於成周我

皇上歸功

聖祖蓋本於世而後仁之義然非

皇上以聖承

聖覲光揚烈恩澤覃敷民飲其和

天歆其治應感之符必不若是速也且周之盛

時雖宅豐作洛撫有千八百國而幅員

尚小孰若我

皇清東至于海南盡交趾西屆哈密北之七十

四部巖齋橐負致誠貢獻者歲歲不絕

自京邑大都以至山村僻壤耕鑿順則

各勤所業武夫戰卒有老不識兵戈者

由斯以談

天之眷我

皇清於周有加焉記曰聖王在上天不愛道地  
不愛寶人不愛情考之今時洵合其語  
天子猶謙謙自牧敬德弗違修我人事撫我烝  
黎方將上溯堯舜欽明文思溫恭允塞  
之德中考湯武表正萬邦敬勝義勝之  
徽以措諸政令以爲萬載規敬迓  
天庥永永無極敬擇其符之顯奕者有九各

繫以詞以效頌祝之忱云爾

合璧連珠

昊天有命眷我

皇清奄有九有暨乎八紘以養以恬灑灑和寧  
曰惟

聖祖文思欽明

皇帝纘之濬哲丕承

天鑿孔昭厥符惟禎自古在昔黃帝握歷璧合  
珠聯昭哉藝極旃蒙之歲單闕之月聿見嘉祥  
其祥長發宿躔營室位在姬訾雙璧輪困五珠  
迺遷星臺告瑞太史書呈

帝曰休哉惟

皇考實膺爰陳於詞爰告於  
陵有謙其躬有讓其衷惟

皇孝思格乎

蒼穹豈惟民哉屆於昆蟲

黃河清

銀漢煥光河精發祥九曲彌亘浩渺汪洋宿列  
崑崙流經積石匪澄伊黃浮天浴日曰旣清止  
休符顯奕徐邳淮泗千里靜碧馮夷息浪河伯  
安瀾五老上告紫蓋續翻滌而濯矣旣清且泚

變書卷之三 卷二  
漉其濁矣既迅且駛鏡流瀾瀾素波漣漣上映  
下澈天水相鮮疇克澄其源疇克致其然貺自  
蒼旻景福永綿以光我萬年

孝陵神著

景陵瑞芝

煌煌神著奕奕靈芝白莖九光神物應期  
帝命東皇分植

兩陵無節而秀不根而榮潤以仙露燦于  
寶城於皇

世祖開物成務遠至邇安全甌鞏固

皇帝敬承羹墻見慕齋戒神明建中飭度是用  
產著以應嘉祚於皇

聖祖握符壽世育之以仁正之以義

皇帝敬承同歸一致乃文乃武以葆以藝是用

產芝以昭上瑞芝既蒼矣著既長矣貞符彰矣  
壽而臧矣暨萬邦矣

嘉禾

有猗者禾在彼中田爾農來思越陌度阡芟之  
奕奕柞之澤澤五穀既播三時無失載甲載圻  
載長載袞載穉載實載碩載茂

帝實顧矣稷實助矣風披獲矣雨灌注矣綏我

屢豐言呈其瑞休我

皇風言多其穗遠自滇南近兆

帝藉匪雙伊九匪寸伊尺先民有言食爲民天  
百穀用成自古有年

瑞籩

帝念民依惟農與桑孰飢莫食孰寒莫裳雕鏤  
必黜爰勤三農纂組是省用紆女工

旻天維顯聿降瑞繭瑞繭維何萬蠶同簇曾不  
經緯曾不杼柚苑窳致力西陵效勤神功默相  
嘉繭乃成繭純繭素匪紅匪紫繭質繭實匪錦  
匪綺言徵其應言發其祥祐此蒸民成以報章  
太平之澤五十衣帛夏清冬溫太和充溢

甘露

奕奕吳都沃壤甫甫有苗有禾有絲有紵其農

于田侯主侯旅其實于市侯笑侯語維時之泰  
飲

帝之和含哺以嬉渥澤孔多

上天錫瑞降茲甘露零我吳都佑我休祚其凝  
如脂其甘如飴湛湛灑灑如珠之垂曰旣零止  
天下寧止曰旣溥止萬邦安止以兆嘉祥降福  
孔穰

醴泉

坤元載物厚德安貞孕祉毓祥乃效厥靈有醴  
者泉載甘載旨莫尋其源載清載泚惟泉之功  
養而不窮我

皇之心濬哲宏通惟泉之瀉流膏潤下我  
皇之澤物無遺者惟泉之源用之日新我  
皇基命浩浩淵淵惟泉之發挹之不竭我

皇虛已聞言若決在易井六勿幕元吉勞民勸  
相中正作繙

闕里慶雲

魏魏

宣聖上律下襲祖述憲章斯文易奕我

皇膺命心契聖時以養以教作君作師爰新闕  
里慶雲式煥紉兮縵縵郁兮爛爛迺映杏壇迺



覆檜榦金枝  
翳鬱玉葉  
璀璨惟

帝之誠致雲之卿以彰我文明以賁我太平

房山鳳凰

四靈之一厥惟鳳凰感我

聖化遊我帝鄉帝鄉之南聿有房山  
雝雝喈喈來集其巔亦集爰止惟

皇之祉藹藹吉人維君子使六象其體六府是

修九苞其文九夷來柔明明

上天鑒我

帝德朝陽叶應文明萬國

帝師...  
...  
...  
...  
...

樂善堂全集卷十一

...



